

# বাংলাদেশ প্রতিদিন

তারিখঃ ২৪/০৪/২০২১ (পৃঃ ০৩, ০৬)



## বোরো তুলতে পারলে খাদ্য সংকট হবে না

সারা দেশের বোরো ধান সফলভাবে ঘরে তুলতে পারলে করোনাকালেও দেশে খাদ্য নিয়ে কোনো সংকট হবে না বলে জানিয়েছেন কৃষিমন্ত্রী ড. আবদুর রাজ্জাক। গতকাল হবিগঞ্জের বানিয়াচংয়ের যাত্রাপাশা গ্রামের হাওরে নিজে ধান কেটে বোরো ধান কাটার উদ্বোধন করে তিনি এ কথা জানান। এবার লক্ষ্যমাত্রার চেয়েও বোরোর আবাদ বেশি হয়েছে জানিয়ে কৃষিমন্ত্রী ড. রাজ্জাক বলেন, এরপর পৃষ্ঠা ৬ কলাম ৭

## বোরো তুলতে

[তৃতীয় পৃষ্ঠার পর] এ বছর বৃষ্টিপাত কিছুটা কম হয়েছে, তারপরও ভালো ফলন হবে। কোনো প্রাকৃতিক দুর্যোগ না হলে এবং হাওরসহ সারা দেশের বোরো ধান সফলভাবে ঘরে তুলতে পারলে দেশে খাদ্য নিয়ে সংকট থাকবে না। দেশের মানুষের খাদ্য নিরাপত্তা নিশ্চিত হবে। হাওরে উৎপাদন বাড়তে সরকারের নেওয়া নানামুখী কর্মসূচি নিয়েছে জানিয়ে তিনি বলেন, হাওরের বিশাল জমিতে বছরে মাত্র একটি ফসল বোরো ধান হয়। এ ফসলের উৎপাদনশীলতা বৃদ্ধি করতে কৃষককে উন্নত জাতের হাইব্রিড ধান দেওয়া হবে। কৃষিমন্ত্রী বলেন, কৃষক যাতে ন্যায্যমূল্য পায় সেজন্য কাজ করছে সরকার। এবার কৃষকের খরচ বাদ দিয়ে যাতে লাভ থাকে, সেভাবেই মূল্য নির্ধারণ করা হচ্ছে। ১ হাজার টাকার নিচে দাম হবে না। এবার ১৪ লাখ ধান ও চাল সংগ্রহ করা হবে বলে জানান কৃষিমন্ত্রী। উদ্বোধনী অনুষ্ঠানে জেলা আওয়ামী লীগের সভাপতি মো. আবু জাহির এমপি, কৃষি মন্ত্রণালয়ের সিনিয়র সচিব মো. মেসবাহুল ইসলাম, কৃষি সম্প্রচার অধিদফতরের মহাপরিচালক আসাদুল্লাহ, হবিগঞ্জ জেলা প্রশাসক ইশরাত জাহান, জেলা আওয়ামী লীগের সাধারণ সম্পাদক আলমগীর চৌধুরী, হবিগঞ্জ পৌর মেয়র আতাউর রহমান সেলিম, বানিয়াচং উপজেলা চেয়ারম্যান আবুল কাশেম চৌধুরী প্রমুখ উপস্থিত ছিলেন। -হবিগঞ্জ প্রতিনিধি

তারিখঃ ২৪/০৪/২০২১ (পৃঃ ১২,১১)

## বোরোর বাম্পার আবাদ খাদ্যের কোনো সংকট হবে না : কৃষিমন্ত্রী

### ■ যাযাদি রিপোর্ট

কৃষিমন্ত্রী ডক্টর মো. আব্দুর রাজ্জাক বলেছেন, সারাদেশের বোরো ধান সফলভাবে ঘরে তুলতে পারলে করোনাকালেও দেশে খাদ্য নিয়ে কোনো সংকট হবে না। তিনি বলেন, মহামারি করোনাকালে খাদ্য নিয়ে মানুষকে যাতে আতঙ্কে থাকতে না হয়, খাদ্যের যাতে কোনো অভাব না হয়, সেটি নিশ্চিত করতে প্রধানমন্ত্রী শেখ হাসিনার নেতৃত্বে সরকার দৃঢ়ভাবে কাজ করছে। এবার বোরোর আবাদ লক্ষ্যমাত্রায় চেয়েও বেশি হয়েছে। এ বছর বৃষ্টিপাত কিছুটা কম হয়েছে, তারপরও ভালো ফলন হবে। কোনো প্রাকৃতিক

● পৃষ্ঠা ১১ কলাম ৪

## খাদ্যের কোনো সংকট হবে না

(শেষ পৃষ্ঠার পর)

দুর্যোগ না হলে ও হাওড়াসহ সারাদেশের বোরো ধান সফলভাবে ঘরে তুলতে পারলে দেশে খাদ্য নিয়ে সংকট থাকবে না। দেশের মানুষের খাদ্যানিরাপত্তা নিশ্চিত হবে।

গুজবের হবিগঞ্জ জেলার বানিয়াচং উপজেলার যাত্রাপাশা গ্রামে হাওড়ে বোরো ধান কর্তন উৎসব অনুষ্ঠানে প্রধান অতিথির বক্তৃতায় কৃষিমন্ত্রী এসব কথা বলেন। বানিয়াচং উপজেলা প্রশাসন ও কৃষি সম্প্রসারণ বিভাগ এ অনুষ্ঠানের আয়োজন করে। কৃষিমন্ত্রী বানিয়াচংয়ের হাওড়ে ধান কটার উদ্বোধন করেন ও ভক্তিকির আগুতায় ধান কটার যন্ত্র কনস্ট্রাক্ট হারভেস্টার ও রিপার কৃষকের মাঝে বিতরণ করেন। এ ছাড়া ধান গবেষণা ইনস্টিটিউটের আঞ্চলিক কার্যালয় পরিদর্শন করেন। কৃষিমন্ত্রী এসময় স্বাস্থ্যবিধি মেনে সবাইকে ধান কটায় এগিয়ে আসার ও এ বিষয়ে যার যার অবস্থান থেকে সহযোগিতার আহ্বান জানান।

কৃষিমন্ত্রী বলেন, প্রধানমন্ত্রী শেখ হাসিনা কৃষকের অকুজিম বন্ধ। তিনি অত্যন্ত উদারভাবে কৃষকদের নানা প্রণোদনা দিয়ে যাচ্ছেন। ৭০ শতাংশ ভক্তিকিতে অর্থাৎ ২৮ লাখ টাকার কনস্ট্রাক্ট হারভেস্টারের ২১ লাখ টাকাই সরকার দিচ্ছে। বঙ্গবন্ধুকন্যা প্রধানমন্ত্রী শেখ হাসিনা কৃষকদের বলেই এটি সম্ভব হয়েছে। তিনি বলেন, হাওড়ে অনেক সময় আগাম বন্যা এসে ধান নষ্ট করে ফেলে। সেজন্য, দ্রুততার সঙ্গে ধান কটার জন্য যন্ত্র দেওয়া হয়েছে। আগামিতে আরও বেশি করে দেওয়া হবে, দুই বছর পরে ধান কটার যন্ত্রের কোনো অভাবহবেনা, হাওড়ে যত যন্ত্রের প্রয়োজন হবে তা দেওয়া হবে।

হাওড়ে উৎপাদন বৃদ্ধিতে নানামুখী কর্মসূচির উল্লেখ করে মন্ত্রী বলেন, হাওড়ের বিশাল জমিতে বছরে মাত্র একটি ফসল বোরো ধান হয়। এ ফসলের উৎপাদনশীলতা বৃদ্ধি করতে কৃষকদের উন্নত জাতের হাইব্রিড ধান দেওয়া হবে। এ ছাড়া হাওড়ের অনেক জায়গায় সেচের অভাবে জমি পতিত থাকে বা সেচের প্রয়োজন হয়। এসব জায়গায় সেচসুবিধা সম্প্রসারণের জন্য বিএডিসির মাধ্যমে খাল খনন ও পুনঃখননের জন্য শিপার প্রকল্প গ্রহণ করা হবে। আবাদের নানা উদ্যোগের ফলে গত বছরের তুলনায় এ বছর এক লাখ ২০ হাজার হেক্টরেরও বেশি জমিতে বোরো ধানের আবাদ হয়েছে। একই সঙ্গে গত বছরের তুলনায় প্রায় তিন লাখ হেক্টরেরও বেশি জমিতে হাইব্রিডের আবাদ বেড়েছে। গত বছরের তুলনায় এ বছর বোরোতে ৯ থেকে ১০ লাখ টন বেশি উৎপাদন হবে।

হবিগঞ্জের জেলা প্রশাসক ইশরাত জাহানের সভাপতিত্বে স্থানীয় সংসদ সদস্য অ্যাডভোকেট মো. আবু জাহির, কৃষি মন্ত্রণালয়ের সিনিয়র সচিব মো. মেসবাহুল ইসলাম, বিএডিসির চেয়ারম্যান ডক্টর অমিতাভ সরকার, কৃষি সম্প্রসারণ অধিদপ্তরের মহাপরিচালক মো. আসাদুল্লাহ, ব্রিগ ডিজি ড. মো. শাহজাহান কবীর, পুলিশ সুপার মোহাম্মদ উল্লাহ, কৃষি সম্প্রসারণ অধিদপ্তর হবিগঞ্জের উপপরিচালক তমিজ উদ্দিন খান, জেলা আওয়ামী লীগের সাধারণ সম্পাদক অ্যাডভোকেট আলমগীর চৌধুরী প্রমুখ বক্তব্য রাখেন।

Date: 24/04/2021 (Page: 02)



Agriculture Minister Dr Muhammad Abdur Razzaque hands over a dummy key of a combine harvester and reaper machine to a farmer at a Boro Paddy Harvesting Festival at Jatrapasha village of Baniachong upazila in Habiganj on Friday.